

晚晴移詩匯

晚晴移詩匯卷一百四十四目錄

王拯 二十九首

龍啟瑞 十四首

何若瑤 四首

潘曾瑩 九首

錢寶青 一首

孫鏘鳴 二首

張金鏞 九首

汪藻 三首

楊重雅 二首

寶珣 一首

何忾 十首

石繩翰 一首

王大經 一首

姚覲元 二首

李元度 四首

王必達 三首

彭慰高 五首

楊靖 四首

周星譽 一首

鄧琛 五首

黃秩林 二首

董貽清 二首

張應蘭 一首

鄒湘侗 二首

黃益增 一首

陳景高 三首

楊文照 三首

王誠 一首

諸葛釗 二首

晚晴移詩匯卷一百四十四

徐世昌

王拯原名錫振字定甫一字少鶴馬平人道光辛丑進

士授戶部主事歷官通政副使有龍壁山房詩集

詩話定甫七歲喪母依劉氏寡姊居教養以成事姊如母逮官京師屢欲迎侍未果作製祖課誦圖自爲序及詩時人重其篤行從梅伯言蒞老游工爲古文奉方姚爲職志在戶曹出贊廣西軍事有復前教授唐先生書數千言備述金田起事與當時文武失機釀亂之由嗣直樞廷復從科爾沁忠親王出駐大沽久歷兵間詩傷時感事跌宕蒼涼如書憤與自題灤陽日乘卷後百韻擬古十二首皆不愧一朝詩史古今諸體功力夙深京朝名輩更倡迭和蔚爲大家同治初絲事降調歸主桂林榕湖講舍自定詩集十七卷兼擅倚聲有茂陵秋雨詞四卷光緒中善化向薦錄刊文九十八篇次爲五卷末刻詩文彙尙多書憤

吾皇承金甌聖智神清明百工思亮弼四海觀昇平如何

嶠西縣黃巾起徵民元年辛亥春我從丞相行六月朔四

日荏州入元旌是日賊返走中平還紫荆震威千里外追

逐可成禽況我有前覆象州會駐兵何爲金雞戰偏師匿

州城大令敢輒撓諸軍亂旗槍六月四日賊出中平百丈

兵某帶兵干還走入紫淵時駐象州人匿不出戰是時向榮與烏蘭泰威聲猶將勅兩軍相先

後及賊青山坪一戰賊負峒恃險螳臂擋雙髻藟後戶宣

墟厥前庭十日豬崽奪菴弧夜先登向帥劉李豬崽峽將

軍落天上卷甲勢豈停悖哉都護誰不鼓從而鉦雙髻山

軍欲星夜進某都統執五不可花雷走羣兇風門奮空霆賊不三日盡棄

通出山踞宣墟我軍至十六日復破風門劫斷後賊宣墟賊爲巢四圍踞溪墜園師

豈不周向後烏前營半月又蹉跎孔村惜虛聲自茲烏向

隙賊逸由雙鵬向密請大帥飭南路進移營而孔村日報

鵬化雨山間遁烏南又三匝北師氣徒增官村怒焚舟一蹶憤且

嬰同慶向帥敗官村以不得賊得徜徉去濠州踏堑坑南

師逡巡及塗詈聞畫備桂林時已震先出魁土魁與瑩瑩

容賊溝壘彌月經營成王怒始赫然帥旗肅親征九月九日督師

渥頰病餘走偃僂一旅請南荆中樞夜集議詰旦軍為驚

果然孟明將指揮藐鯁鱣一戰龍潭復再接橫嶺清飛騰

十三捷萬眾讙雷鳴十月提軍病起來營請得楚兵獨當

州城之下奈彼負固力豈能徒搏勝中軍憤且前見賊賊

愈輕況令南北師轉益水火爭羣旅又募充如蜩蟪沸羹

待彼竄而擊斯言豈無徵王子歲除大帥至軍前屢攻弗

能破向老乃為此論或頗笑之

矧當積月雨賊已空瓶罌攻堅詎弗力鋌險殊未懲二月
始生魄龍寮夜開扃三伏計已虛追擊猶當能古束尾而
及賊尸戮如京前徒雖出險荒繳失倉廩我復兩翼前張
敬修劉長清若張晉誰令霧雨中山蹊鼓而升兵家有死

地大覆蠻山陘坐看釜中魚又成跋尾鯨一朝歿四鎮殘

卒歸伶俜二月十六夜賊窮極走古束沖我師追及迴憶

夏洞泉在大師立營處慘傷流血聲三日僅收合恍然如醉醒時

危衆說進決策將誰憑扶荔幸先著孤城據危傾吾師甫

成列賊至前綏迎荔水一交戈賊徒西北併榕城誰備禦

倉猝兒倒縹咄哉將軍籠間道窮郊垌崎嶇龍西路兩夜

雜徒乘免胄及國門羣呼聞角崩須臾賊麇至叫嘯萬目

瞠至今桂之人援師疑神靈守攻一月餘癸水流臊腥老

師徒北行既守荔浦旋復間道疾趨省城先賊至守幸完亦有江郎師忠源水東來結

期賊謀始大紬宵遁復牽繩城中卧王罷久矣病莫與誰

令追師弱戲若驅羣蠅五月湘源哭孤城慘零丁小堅大

之破詎爾溝壑經乃我萬師及城中火熒熒蓑衣渡頭船

蹙若亡穴誕四月一日賊去桂林撲全州追兵僅七千人

至城已屠矣然東方天馬空鮫鱷又滄溟此賊最狼狽飢

颺折翅鷹蓑衣渡賊幾瀟江阻夏漲有庠乃虛承經歲說

邊防楚山空峻嶒粵師雖踵及疲敝亦可矜三月營道師

圍攻如缺薈秋來健隼翮肉飲重騫騰柳桂路千餘寸尺

多鋒礪指揮儻如意火炎昇騰螟跋前而鼯後手足胡凌

競賊撲禾不遂而竄踞道自夏徂秋逸出攝八月圍星沙

分軍賊渠獮妙高一峯踞羣咻聚蚋蝻熊湘十萬家比屋

明宵燈誰知完玉壁猶藉將也榮嶽麓對江出客來話圖

經圍師又一闕賊走眾目瞠自此勢成逆高原逸奔麋可

憐師楚粵千萬費水衡兩月憶城中日夕雷霆轟歸來性

命得忍復思兇凌長沙之圍賊渠蕭朝貴自擲率眾先來

得復竄又以嶽麓不守死焉向帥病起至自粵而城守完而賊

我師遷延不成圍也江漢幾波濤霍盧悉荆榛長江千

里翻石城百雉傾吳頭楚尾地三載廢犁耕渡河萬龜豹

間關乃邪沼妖氛數翕鬼髮盡鬚髻禍難斯云極青天

誰可擎去年秋風利戈船間結繪巴邱始微蹶郢鄂旋崢

嶸直下收蘄黃居然高屋瓴莽蒼列城復飛揚殘籜零快

哉師墨經此舉何觥觥溢浦及春早江波覓洞渟況當滙

瀆還黔池亦波澄急羽海中到威聲傳楚庭河北又疊捷

連鏢翦梟翎林李

林風祥李開芳

兩賊顛西街正天刑擒渠掃其

穴功孰秬侯京又彼夾江壁戈矛戛砮碎餘皇鼓鼙振坐
拔三山青北路旣蕩平便南師躍備倉瓜揚輿版牖徽黜
整垣閔憶從軍事來喜氣茲芽萌人家買香醪田老蓄肥
牲朝廷懸止賞五色備統絃樂部習歌曲八音譜韶諫南
風忽不競一蹶溢瓶甑建業天下雄師中誰實丁我知眼
中白翹彼糞上英未見趙括敗幾能馬謖爭連城走奔電
萬衆愁飛螢坐使江州甲孤拳徒努睛橫空長妖燄瓦缶
復碎冑樓櫓旣不前豺狼計環生東窺黃石壁南泛鄱湖
萍可憐全功失徘徊星渚舫巍巍楚材雄數月翔湖汀古
來重樞機一失百殆形彼狡計漫出燼餘得炎蒸鴟張又
楚粵蠕蠢及鄘郟烈士擬上章屨功當擊捫道途切齒言
害身宜決瘦平幸叨聖人鑒褫奪快羣憎頗聞臨淮師壁

壘氣若烝鼓行下襄河眼空茂狸狴蕪關又連勝兩載虎
穴憑湖內重結束橫戈酌官亭乾坤大斡旋拭目數豪英
餘子下自鄒因人本硜硜鯁生更無聊設匣慚青萍儻其
燕然勒猶得橫吹賡何時奮突管灑墨十丈珉論功罪亦
誅若能逃刺黥

擬古

客從故鄉來道我故鄉事聽客語未終悲傷淚盈背憶從
我雙髻鄉閭正平世薦紳屢世澤農畝百困積令尉好客
臨家家喜迎伺歲時相慶勞酒肉頗薰熾迴首二十年遭
時大顛悴還思俗忠厚遑咎習輕侈車馬重來歸荒村起
蛇虺川原始嶮負城邑漸高幟將帥弗調良勦耨轉兇肆
吾謀多弗遂戎幕媿身廁黃金北斗高豢賊最奇思衣裳

餘倒顛陵谷乃更置昔日富家郎流亡僅衰稗潭潭節府
重遺構穴精魅閉閔尋瓦礫蓬稗溢寰肆穰穰少子遺纍
纍但枯髑哀哉我與客飄流各名利艱難少至壯所歷詎
料是

東南厭兵革厥豐肇邊鄙鄙人昔椎樸官至縮如蝟飢法
自貪夫負緣墨胥起交征馴攘奪盜賊遂圍視瘡痍重股
削荒落任狐豕橫野數輕客常時本鄰咫尺一朝羣帕首輒
暴及州里村墟尙團結城邑動破徙吾郡夙雄軍健兒多
敢死何時徵調竭居又乏儲時年來數強措蹴踏萬蜂螳
象邑十餘城城盡如燬礮雨晝煙昏長蛟跋江水頗聞
童汪踣裹革不旋趾可憐彼官司畏匿面如紙由來坐此
輩養惡致興瘡不然金田村賊膽何由肆

講舍羅池上我昔曾釣游馬矢壓花宮能毋鬼神愁赳赳
百夫雄本昔揭竿流誰令虎而冠招來鷹在韝其眾羅干
百猱猶擁貔貅有時頗擊賊媿我羣兜鍪城闕使居閒解
之乏良籌飽附饑食人若能身束修橐藏既罄如能弗事
賂賕東家翁頭白西家兒鬢髯牽來各閉置嗒若魚中鈎
翁弗禁撈掠昨宵赴冥幽兒金未當贖夜已充衾裯哀哉
兒高門父母所噢咻翁昔爲孫子飯蔬冬無裘牀頭簪黃
金身死還見搜園池幾營構拱節爲薪椒官吏過弗聞薦
紳忍其羞但令甲授陣敢惜瘠暴溝君門高九重倉猝誰
之謀時變事多殊瑣屑焉敢憚

從來城守堅賊恨必大至萬死與城存而城竟亡矣吁嗟
我江城高牙夙嚴衛如何兩渠間骨髮委填積傳聞方絕

食官民相泣誓櫜馬夜悲鳴青煙起寒吹烹炁雀鼠盡做
革煮相遺皮骨慘留馘析炊供喂飼樵蘇日月斷井汲又
枯隧咄哉背城師朝食忽謹繩衝鋒努力羣醜輒奔避
如何師徒出望援空裂昔平時擁牙纛誰歟彼疆帥危亡
眾所屬望望全軍逝朝廷高爵級專閫所付寄豈惟弗趨
救直忍自拋棄十年用兵來師律孰先做人思參肉餐我
欲寮尸肆

老夫亡其妻窮餒又失子常時繫心骨宛轉相棄委玉雪
誰家兒竄身荆棘裏天明迷道路霜雪慘肌體道逢佩犢
人顧盼忽生喜呼兒子生馬顧使執鞭筮弱者遺草間強
斯逐韃弭飢腸肝人肉變作虎狼子朝聞破官軍十百踏
其壘暮夷何城闕屠割到嬰姪男兒少方壯猛氣敵虎兕

強梁習童昏暗啞孰當抵可憐
州家軍疲老日轉徙經年
缺糧楮骨立久銷髓殘軀不能戰
剽掠又輕駛問軍胡爲
然求緩須臾耳饑寒與禦敎作計
乃均死誰能如楚尹戮
一貫三耳

左藏早虧竭拮據到關樞國中又四郊持竿盡握漚江湖
久乾旱災祲又螟蠖去年履畝餘箕斂又今作軍中賁轉
運官豈爲囊橐富貧者死骨血任敲斲敲斲何敢言斯
民甚忠懇誰知剗心肉爾乃事酒樂玉貌錦衣郎金鞍騎
六駿金張本家世光彩甚卓犖清晨謁中軍晚出大歡矇
第聞前軍捷籌運祕帷幕明鐙宴如澗號令走雷雹歸來
百呵殿計日有佳擢小人幸葭苧茹拔盡優渥歌兒頭錦
纏揮斥罄山嶽吾軍蟻生甲菜色忍桑蠟而官計錙銖相

對情殊邈羣饑走何之鋌鹿能反角足寒傷人心朝涉何勞斲

曲突本無功焦頭亦何爲軍行有僚屬忼慷當軍諮玉帳
罷朝參疏頭筆如飛賢王朝面縛京觀夜陳尸傷足者先
登洵呼盛前麾餼糧與書檄難險各追隨或爵關內侯或
資羽林兒或榮施紫貂或貴曳金龜君恩誠浩蕩王言出
如絲軍中相慶樂悠然執冰嬉豈無關中將草間曾失遺
匈奴恨未滅臨觴覆其卮別將向賊中艱難棘榛披銜枚
走深雪中夜賊壘劇數戰沒前茅先行亡健兒誰令失轉
餽又不得援師刈芻藪其根飲馬溺爲糜經歲頓重圍殘
軍坐失期何如棘門將有酒斟酌之不聞從軍樂但問所
從誰

旌頭百丈雄帥節青雲高驍奇本偏將枉使牙纛豪朝官
走相謁投筆盡班超闕茸大藩吏轉面還相朝帳前別將
軍出入帶弓刀位尊命乃重深拱日逍遙計從再起蹟意
氣凌嵩喬軍中日佳氣樓閣出蜃蛟陋哉諸侯壁日飲投
河膠艱難事版築曾不得嫖姚日暮落旗門中軍夜寂寥
明燈亂銀燭帳底曳紅綃趙趙王揮邪書至願屬僚輪誠
又夜郎景附不待招龍鱗與鳳翼翕翕盡金貂亦有窮途
士來歸藪逋逃趨承片語合薰沐不崇朝果懷左車策同
建衛霍勞大功方築第安論百石椒哀哉上東門長嘯凌
衝騰纖兒生白眼感歎過津橋

人生皆有死鴻毛或泰山男兒馬革尸爭似活草間壯哉
勇盤腸烈或碎首頑舌殘猶罵厲咽絕更心堅豈無巾幗

雄裙褶纓相連亦有與臺義頭顱同血濺大節矢成忠培
滋由百年柰何有科格往往事拘牽死哀長已矣生者賞
弗延我聞申韓術名實紛糾纏承平久衰敝胥吏窟金錢
身爲血鬪骸刀筆猶刳鐫秦法旣相習漢章孰敢專不聞
斷能行賊狂勢滔天殷勤持密網吞舟漏蜿蜒亦有一瞋
豪不惜萬事慎何況首鼠輩濫辱仗節賢偏能游魂污綽
楔愧幽泉我有平生友生時百行全崎嶇戎馬中不得軀
命捐艱哉鞠躬義蠹沒久風煙弗如鷓鴣祀枉作精衛填
至名不爲名萬口能流傳

前年戰桑乾今歲河北道關山惜奔命將率各衰老昔人
重守關巍哉幾城堡指揮英雄士機疾若風掃堂堂大都
邑頭足急相保參商又列將江湖遂如燎哀哀塞垣卒得

遣已殘腦十人九傷病面目各黃槁馬骨三山峯來時盡
蹶裏此誠百中特性命一再造道出舊軍門陰風聞怪鳥
蒿胡流血地顏色野花好日落青松陰殘灰餘骨爪叢祠
依廢壘神鬼互敬倒堵牆荆棘中遺挂尙青縹標識存名
姓不知何蠻獠亮時袍澤人此意豈相掉風雲愁黯黯恐
或亦溝殍鄉閭程百千生死未分曉傳聞卽疑信親戚望
歸旒可憐老弱存入室誰窈窕黠哉沐猴兒歸去獨壯佼
雄冠耀鄉里豈恃食肉飽男兒慕侯封作計慎須早生當
狼居胥死卽田橫島

束帶爲民牧儒生誠懦良十年事詩書夙昔慕軒唐筆耕
視爲田豈習菽與梁斯民幸直道迂懷感如傷大府行邊
來前驅猛豺狼前庭備供帳後戶陳酒漿威儀盛車中乃

昔同舍郎富貴出天姿敢惟一日長不見後來者行貲盡
新章軍中又積勞年力正方剛支離老儒酸囁嚅重踉蹌
誰令任衢衝軍法不可當昨者鄰東縣縣官身被創洶洶
羣兇鏊箕踞鳴琴堂投劾舍之去西邑獨項強官錢乃積
逋除名繫銀鐺吁嗟古司牧此職聖所詳如何九折坂騏
驥不能驤白馬青油蓋伊誰獨生光盈盈府中趨晚出劇
慨慷揮金似流水湍決自有方軍行九陌過意氣殊揚揚
歸來大勞苦珍食羅幽房腰間青瑠玦笑擲邯鄲倡窮黎
歎中谷背面血流暉安知翁媪衰身死弗得喪由來國有
立此輩孰短長

昔者朔方兒兵戈死不厭沈雄幽燕將矍鑠多健飯承平
百年間風氣乃輕變期門羽林豪酒食日酣豢一朝聞點

行骨慄氣銷面黃緣百端習巧黠成懦慙剪豎三山雄殘
凋夕陽爛當時組練出欽虎何猛悍行軍兩司馬伍卒自
差選古來軍禮中遺法蘭陵傳荒隅羣鼠輩此意孰與禮
天意幸殲賊形殘死江澗粵賊頗知什伍有兩司馬之目
賊渠馮雲山所爲也馮被擊死
全州成豐
二年夏事蒼頭起熊湘卓犖羣才彥師中聞有律所向輒
鋤鏟團保說經年因循眾修變誰能讀官禮連軌識流轉
撼亂果有人吾方不欺謾從來霸王資匪獨利攻戰州有
大夫賢我冠儼風岸微言善齟齬論事百罅間迂談笑老
生勦襲事書翰勞人又多費黨惡豈有善疇人愧謬悠所
學未稽貫榮資不貂蟬又不事弓彈衰庸宜牖下侈口徒
卑賤不聞飯牛翁衣短裁至骨

寒夜自題秋中所爲灤陽日乘卷後計一載來兩扈

灤直觸挽萬端簡爲百韻自知凌亂複沓所不免也

元雲塞遼穹庭宇黯如漆空齋客竟去獨寐陷憂但攬衣
起旁皇家國感顛踣關山數行邁紀乘在書帙夜夢屢橫
糊神傷去年日蹇羸方策億輸鞅苦奔軼層冰鬱嵯峨大
野莽颺颺滑達雪泥際重關懔蹉躓牽車渡狼何虎洗流
斯汝浩浩古塞垣乾坤一慘慄麻屨卑吾分不得見琫輝
席氈就陋庫日夕把弗聿煙火爆溼薪陰煤暗圭華飢餐
雜薯蕷腥酪復攪戛迴思丹稜直官樹藹如櫛秋風起塘
澱山水忽顏別十年議和戎戰守誤羣帥前徒又攢兵捫
足僨輶劣小臣剛襍被腰腳困衰疾朝聞狩河陽一疏空
行伶雷風徙龍湫魚鼈盡滄涌日午投國門天衢漲塵坳

蔥靈婦人車懸罄大夫室巢覆孰卯完眼中盡鶴鷓歸來
慘謀婦作計信吾匹分當卽溝瀆誓不從竇隙星火倏當
門官徒日敦切國中留守在鐘簾儼猶列繕甲幸可完嬰
陣詎非烈吾謀適不遂事往憶如瞥哀哉延秋門日落烏
尾畢仙莊誰走馬魑髻夜吹鬢徒御失煙塵竄身從草莽
籠東紛介甲蹂地亂膚髮西山迷向背白日逢鬼魑斷絕
溝水頭琅瑯青瑠玦斯時軀命賤拌與世途決揖盜孰敢
門輪金遂成謁會朝天日閻夢夢自出入豈期佩交鞶重
暗天王蹕艱難吾生微屢作逃縫蝨光景偃暮除旋車又
番易宣南值饑歲情話有甥姪鄉信入浮湛歸心重迴折
可憐雞肋味猶戀烏臺味心知百事灰祇欲空名握簷卜
屢未諧文書重填訕家人修雨具車子求輪鐵蘊隆火織

張再覓欒橋轍日車疑倒翻汗血殷轅卒天河微雲淡與
客縣齋發關門祖餞勞萬馬秋風偃王程日百里旅宿愁
蜚蠊一雨度石梁雙趺履重結前山蹲虎豹後嶺卧貍獍
車徒頻舍乘風水屢昏跼百盤天梯盡地底解鞍歇崢嶸
昔冰凌魂夢忽飛越燒空氣如絲旅夜又疏世十日酒仙
祠重來氣嗚咽砵旬天柱崩淚雨錘峯駟笙鶴緱山迎明
蟾照仙闕橫空甲馬馳窗燭夜方滅從來遺萬乘誰見龍
髯捫渥洼水飛騰神駿奮蹴蹶松風歸鶴怨華表空門揭
哀哉帝子靈邈矣仙人後悽悽原上天磊磊山頭岳疆帥
壁東南艱危見材節攀迎孰慨慷誓願見風骨由來天視
聽在民孰敢奪吾先使犬鹿爲用詎云許簪珥我何人天
人恨遼絕蕭條重旅病性命如網罟經月廢櫛沐飛蓬儼

囚桎雲中行雁來書帛自天末秋深玉門道歸信喜倉猝
請急朝聞諾治任暮旋發誰能一朝待祇欲晨風歟中途
轉悽惶噩夢數心惕道旁朝飛雉向我臆爲說併日趨王
城悵悵百撞挫入門日氣瘦病婦待我訣感君息猶存見
我語不出百年嗟黔婁殃厲幾時絕吾生行已矣送子萬
緣畢痛定還思痛悲來欲誰述 嗣皇伏工兜 慈聖在
官闈元公方吐哺抽擢到樗質栖栖復栖栖流涕偶遷秩
素心三兩人衡宇幸連薶日夕每過從憂余獨烏壹今宵
朔氣厲窮巷自煨柚孤檠照絕編開視肺肝熱持將就鑪
火呵筆撮昏黥牆頭鴝鵒聲窸窣夜疑雪非鬼亦非人荒
涼竟何物朱門昨祛篋聞怪亦久習探丸伊何爲氈席獨
我睚成詩窗曙送鑪火一星璣

登湘山寺浮圖絕頂

我從洞庭湘水入江處西南直到湘水源青山不斷一千
里兩岸騰擲蛟龍窳卸帆日夕湘山麓側嶺橫峯堆簇簇
妙明塔高山四圍玉立千盤裏山腹湘江如帶橫腰去撇
灑江風明雪縠慢山春木鬪青紅窈窕僧房半修竹昔游
一別今幾載澗草巖花歲時改春深靈雨鉢龍歸日暮顛
風鈴鶻在我欲從僧營一椽老僧與我同羈纏有身長住
豈云達無田不退甯非貪松花開落薜荔庵山槿布熟溪
毛甘世緣不探道力薄山中龍象吾其慚

二樵山人山水小幀歌

西樵山水天下稀我游未遂空聞之東樵昔游曾五日萬
千巖壑爭情奇二樵山人獨來往一步不出青山蹊當時

邱壑寫胸臆金碧爛漫珊瑚枝卽今流落偶吾手潦倒尺
幅神尤危孤亭突兀罕人跡層巒疊嶽森屢屨寒松百尺
凌倒景絕壑疑有生蛟螭蕭然斫拂屏濡憤慘淡卻已幽
冥追荆關遺法惜榛莽看君徑欲并黃倪香山詩句一峯
畫自題矧有斜墨書新詩吁嗟乎神仙中人不易得百年
清晏能幾時舊游越女猶在眼但見橫霞落日天南陲雲
煙寥落恐俱盡挂壁通靈焉得知

麓臺司農淺絳山水幀

長松攫立龍騰霄楓欄百卉迷煙梢大山小山恒霍交熊
羆生蹲虎豹豪伊誰卜築青山坳茅亭磴側行探樵山根
曲折煙江遙江行欲上青天高橫江幽絕來輕翺前山落
日方歸潮司農水墨傳家法腕底層雲起飄忽千迴萬疊

紛紜刷積翠浮空來合沓晚來賦色尤神異淡赭蕭然見
山骨蒼潤雄深世有無古人不見誰癡迂我家山水真蓬
壺黃埃鈍跡游天都西峯一角青滿湖空齋雪壁神相娛
誰言仰屋沈憂地猶有瀛洲方丈圖

大風雨夜作

天意竟誰測客愁殊未明雲雷生暗壁風雨逼殘更中澤
沉聞雁南州方苦兵吾生那足道敬枕若爲情

舟中詠雁

到處逢新雁扁舟又楚鄉春風上楊柳落日滿湖湘歲月
禁離別關河極渺茫持書願相寄江路幾迴腸

舟中憶海秋作

荳蘭哀怨接湘纍鷄日浮邱挹袂來萬古關門蹲虎豹百

篇藏篋走風雷功名雲薄生徒壯恩怨山重死亦灰一過
西州愁痛腹青山何處酌餘杯

雨後登祝融峯頂夜宿上峯寺

蒼茫七十二芙蓉絕頂天開第一峯咫尺帝關通磬欬萬
千雲海盪心胸殷雷夜走何山雨積雪春留太古松暫倚
蒲團出人世五更寒浸石樓鐘

抵都歲除

五年寒夢覓東華一卧滄江歲月賒人海再來疑隔世客
衣初澣似還家情時事業期中隱殘律風光愛晚花獨有
鄉心畏南雁嶠山春信斷蘆笳

散直口號

大風連日
作此詩也

剗地東風春已歸柳禰榆莢撲人飛樓頭翠隱山重疊湖

面青搖樹四圍極目天涯愁莽蕩驚心池館斷芳菲人生
適意當前好隨分鷗鳧要息機

此咸豐七年作

庚戌九月自吳返越嘉禾道中

澹日西風瘦不勝幾家修竹間桑塍柳陰一棹輕於葉玉
額吳娃喚賣菱

猶有殘蟬挂別枝紡車聲亂荳花籬蘋鄉又聽新蛩語寒
女功裘待上機

晚來停權傍茶庵鐙火人家炤碧潭恰似吳娘好眉黛語
兒涇畔月初三

邯鄲道中

磁州城外柳毵毵一路雙渠夾翠藍十七年來重迴首北
風催雪又邯鄲

春光

春光九十過茶蘼桃李陰陰又一時天意未諳人事惜東風開落任繁枝

并閭撩亂衰翁思大樹飄零壯士懷夢底疏鐘起何處夜深鷓鴣語度空齋

龍啟瑞字輯五號翰臣臨桂人道光辛丑一甲一名進士授修撰歷官江西布政使有浣月山房詩鈔

詩話翰臣學擅古文著作斐然咸豐初在籍借朱伯韓侍御治團練有聲詩不拘一格寄託遙深與伯韓詩如駢斬也

湘源紀行

古木森蒼崖飛雲挂石屋南風三日程吹送湘水曲諸山若屏障秀色疑可掬時維暮春初晴暉散平陸蘅蕪雜蒸

荃細碎紛眾綠山花如有情時炫游子目遙看白鳥下徑
就陂塘浴淨極不容唾況敢濯我足當年子屈子行吟想
芳躅至今湘水流不共江河濁海洋爾何山靈源此中蓄
何當訪幽勝一就峯頂宿

山行道中作

眾山鬱氤氳蒼冥逼諸天平野豁然開下有陌與阡人家
傍山澗繞屋飛流泉新晴融地脈草木增清妍鳴雞互相
答嗷伊破朝煙山翁晝出汲挹露拾秋籛顧我輿蓋客咤
歎驚神仙人生有定分豐嗇理難全安知奔走勞詎若安
居賢吾方私愧汝未謀二頃田

大峽關

入山天冥冥出山風泠泠出山入山各異態平原芳草長

青青千巖萬壑不知數何年琢就蒼玉屏長松百尺誰所
種一一偃蓋皆龍形深林雲日含變幻騰躍光怪藏精靈
峯頭積霧晝疑雨髣髴尚帶龍涎腥石滑尙愁行旅過徑
仄或恐猿猱經道旁野藤花厯落含芳馨老鴉銜子種巖
谷霜根蟠結餘千齡一翁賣茶貌何古終日冥坐惟茅亭
鶴髮非仙亦非隱得毋內視存黃庭我生日夕在塵世勞
勞軒蓋何時停他年待訪赤松子有緣無慮鬣巖局

中宿峽

雙峽闢山門滄江勢盡吞烏呼黃葉下猿去白雲存古剎
餘鐘響秋江落漲痕山僧知許事采藥自朝昏

大庾嶺謁張曲江祠

東山西山雲氣濛馬前忽見青龍從不知梅關突兀在何

許絕頂尙有人煙通贛南諸山顏盡赭奔走荒原亂如馬
天教留此作崇墉瘴煙隔斷蒼梧野曲江相國命世英作
事能使山神驚不然螺旋山磴二百里炎荒萬里無人行
枕椰葉密天欲雨古寺空垣走飢鼠一代宗臣濟世心千
年祠廟荒山主廟前梅花三百株花時氣壓蠻雲麤相公
風度猶想見令人不憶孤山逋南來奉使六千里眼見雲
山幾如此攀崖緣壁不須驚嶺南風物故鄉情歸時正及
南枝發待向祠堂餐玉英

南雄江上

遠水蒼茫一葉舟乘槎眞作海南游綠橙過雨香初透丹
荔含霜晚未收極浦蛟龍潛永夜深山鸞鶴起高秋南來
欲問戈船事畫角西風滿舵樓

獻姚石甫先生卽以贈別

十載滄溟外崎嶇未盡身
人心厭驕虜天意諒孤臣
別思千山月歸途萬木春
征衣惜輕浣知爲帝京塵

未了看山願城西住少時
夢猶京闕戀歸爲友朋
遲黃葉聲中酒蒼葭閣上
詩東瀛一回首揮涕萬人
知

老矣猶茲健風塵想據鞍
艱危緣世變摧折見才難
卧虎滄江靜冥鴻天際寬
願公珍晚節歸路雪霜寒

送孫渠田學使同年入朝請假歸觀浙中

江海萬蕊舒寒芳蒼梧直
下煙水長冬月陽生雁北
嚮君獨何者翻南行三年
提學困周走欲盡嶺嶠窮
炎荒是時剽掠徧州邑探
丸赤白紛披猖儒官清寒
盜所棄只有圖籍輝琳琅
道傍斜睨去不顧固知此
輩猶尋常昨者省門

鳴巨礮，眾鬼白日爭跳梁。城頭置軍萬，戟立密繖足。斷飛
鳥翔得勝之，盜衣短後賤子已易戎。臣裝儒冠，峩峩衆驚
詫。獨以局外趨，徬徨虎臣竟欲師。樊噲蝨官得不譏，商鞅
賊退城完幸不死。天意敢以人力當，蜀將楚兒好身手。輦
致金帛牽牛羊，試思首禱者誰子。忌醫諱疾何由臧，書生
謀事真畏蕙。遂使猛士神揚揚，不然范韓可再得坐鎮。已
足維苞桑，早知事急念頗牧。未若安坐談龔黃，君之持論
與我合。往往坐對增愧傷，嘉謨入告儻有意。好聽鸞鳳鳴，
朝陽我今征鞭尙遲滯。北望觚棱思玉堂，感君紆道得觀
省。王事有程須速將，櫬槍待掃未安宅。要使民隱通天閭。

春日雜感

江上桃花懶不看，西風猶作早春寒。因憐鬢影臨清鏡，肯

爲鶯聲倚畫闌，萬里旌旗悲遠道。十年車馬憶長安，碧波
芳草皆顏色。付與詩人感百端。

又見高樓燕子飛，江鄉離亂舊巢稀。春風綠野耕牛盡，落
日荒原戰馬歸。爛額枉矜前箸好，徙薪終與夙心違。百年
未了齊鹽分，老去吾將覓釣磯。

北望觚棱曉夢清，風雲長護舊神京。芙蓉露暝栖鴛沼，楊
柳春深繞鳳城。一自烽煙驚絕徼，頗聞簫管減歌聲。舊游
把酒論詩處，誰寫紅箋記姓名。

江漢泛舟圖爲葉潤臣閣長題

武昌官柳初飛絮，漢南春水高拍天。鳴鉦伐鼓遞相和，市
樓歌管聲喧闐。夾江城郭半隱見，沈沈萬井騰炊煙。夜來
月上波浪息，畫艇葉葉如秋蓮。紅鐙照我過江去，遠聞黃

鶴一笛來飛仙商婦倚船弄絃索估客買醉拋金錢人間
風月幾曾見定與吳會爭新妍壯游十載不到此遠聞一
炬焦可憐披圖令我慘不樂知子有意歸無緣憶昨金田
起妖鳥烽火遠照湘灘間一朝燎原勢莫止坐令鄂渚飛
腥涎跨江爲梁豈天意朦朧大舸遭繫牽叢臺歌舞晝寂
寂荆棘屢變桑麻田疆場無人貔貅老毒霧不散龜山顛
金陵東望亦如此繁華浩劫真相連春風汀洲花欲然碧
波芳草紛蔥芊眼前好景歸不得卧游凝涕獨潛然鯁生
三宿心拳拳亦有梓里遭時艱何年置身圖畫裏一擢徑
刺瀟湘船

何若瑤字石卿番禺人道光辛丑進士改庶吉士授編
修歷官左贊善有海陀華館詩集

送友人別

西風吹木葉一夜別長條送客臨江滸青林落晚潮何時
一尊酒相對且停撓明日沙邊雁歸雲入望遙
何如不相見相見又相離桃柳秋多雨攀條贈別時江亭
風笛晚小住益淒其明鏡朝來看霜華上鬢絲

飲酒

夜來細雨聞颺鴉曉來紅日明窗紗春光爛漫浩無著散
作干樹萬樹櫻桃花可憐飛花飛不住可奈春來又春去
我如胡蝶替花愁約束春光入詩句東風一片湖上來碧
雲似水添春醕一首新詩一斗酒大笑春光歸我手醉化
春光何處飛流鶯日日颺花枝

東齋

東齋無客來蕭然愜幽獨隨抽架上書展向窗間讀夜來
微雨過無聲入深竹曉聞雙雀語萬葉新如沐物性各得
所吾生安不足何必希至人慮淡自無欲

潘曾瑩字星齋吳縣人道光辛丑進士改庶吉士授編

修官至吏部侍郎有小鷗波館詩鈔

吳蘭雪曰星齋爲芝軒先生仲子與兄春泉弟紱庭
並擅詩名其詩婉而多風麗而有則符南樵曰星
齋侍郎詩語本性情音涵雅頌處華靡而不忘幽靜
者如松風倏然來鶴毳灑石髮艾蒹積凍綠蘭芷揚
淒馨皆原出風

騷力標新穎

詩話星齋詩畫並清麗而有澹逸之致紀游題畫刻
劃山水吐納煙霞洵所謂詩中有畫也戴文節贈句
云玻璃水底鋪金沙上有風霧揚天葩世間纖塵不
可到珠樓寶閣仙靈家朝乘赤鯉暮元豹天風兩袖
餐朱霞君之詩境有如此會書淨本呈釋迦又云
就中最妙者沖澹豈是七寶裝成耶評騰頗當

萬壽寺

門外卽西山山勢莽回互門內盡奇石石氣積雲霧遙青
與近綠朝暮各殊趣坐卧於其間豁然得奇悟謾謾松風
來天籟此中度據石看青山遐情引煙素

訪端木子彝舍人

國璠

官冷詩情澹心閒道味長午蜂喧隔院孤鶴立斜陽松葉
堆茶竈藤花點石牀塵纓欣暫濯幽絕似滄浪

甘草湖

曉來雨初霽清氣滿寥泲湍流汨汨鳴秋聲動巖穴舟行
明鏡中湖光映清澈雲影時低昂煙痕乍明滅綠隄叢葦
生風來語騷屑白鷺忽飛來毛羽何皎潔卻於萬綠中灑
此一點雪我欲圖水村畫意不可說

綠蘿山

山行極幽邃藤蘿垂絕壁一徑夾松篁蒼翠紛相積濛濛
萬綠中時露片雲白雲又化爲煙縹緲成一碧石磴循縈
紆定有仙人宅不覺逸興飛對此欲岸幘

玉虹橋

泉聲何砉訇石骨自堅瘦泉飛石亦飛直挾風雨鬪石勁
不能敵雲根穿欲透長橋互如虹雪浪噴巖岫作勢騰白
龍餘音震飛狄何人劈雙峽注此一綫溜幻作千百折恍
覺波濤驟停鞭一延佇奇景實罕覩陰寒逼毛髮對此不
敢激

虎山橋

鄧尉多名山奇秀自茲始彩虹映中流浩渺不知里紅葉
殘霞明青蘆晚風起徘徊月初出長空淨如洗橋頭倚橫

笛清與曷云已雙崦一鏡中空明有如此月氣不在天冥
冥化爲水

茶磨山

繫纜行春橋策杖茶磨嶺煙鬢浸湖淥開奩曉妝靚飛鳥
沒何處了了見帆影秀色接楞伽窅然異塵境雜花不知
名香氣幽且靜微風淡疏襟斜陽戀餘景徘徊松桂陰翠
潑秋衫冷

秋夜懷程序伯茂才賦此奉寄並索畫

竹翠捎窗露氣清鷗波一片照人明聽風聽水尋常事要
向秋堂畫月聲

玉堂清冷不成眠卻憶蘆碕繫釣船篷背蕭蕭灑秋雪畫
中著我白鷗邊

錢寶青字萍疇嘉善人道光辛丑進士官至左副都御

史

梅花庵

生計問垂簾遺蛻託梵塔高人不可尋凍雲自匝而佛香
和寒梅春草滿塵榻庵門晝不開招隱尙留額我懷先人
型氈墨存響揚手拂梁間塵興廢問寒衲萬个青琅玕風
來劇蕭颯

余家藏梅道人手書心經
先曾大父勒石置庵中

孫鏘鳴字韶甫號蘗田瑞安人道光辛丑進士改庶吉
士授編修歷官侍讀學士重宴瓊林賜侍郎銜有海

日樓詩文集

詩話韶甫官翰林嘗疏陳時政嚴劾穆相人稱其敢
言罷官後主講蘇之正誼甯之鍾山借陰澗之龍門
求志爲學者所宗仰平生研求永嘉經世之學所著
止庵讀書記東甌大事記皆卓然可傳詩有真氣

開歲二日以言事罷官將南歸疊三字韻

長沙太息未過六柳下一黜不待三我生孤僻俗眼白人
事嶮熾鬼面藍老踏京華寡儔偶埋頭柱下隨史册出入
危機厯已遍往往干戈生笑談君恩寬大許歸去譴訶雖
至猶覆含頭顱五十倏將及文章政事百不堪何如學道
謝憂患坐聽萬壑松風酣一雛墮地纔學語雙親衰鬢況
甦甦縱言祿養強顏耳夢魂多悸神先慚亂後耕犁行可
把菽水足助含飴甘春水方生江之南雲帆轉海如飛驂
歸心已逐春雁發一官雞肋又焉貪誓與老農同擊壤息
影不離山中庵

仙姑洞

萬峯高插天突立如削鐵仄徑蟠修虬縈紆出山脊中逢

叢竹林夕陽漏深碧石腹呀然開危樓架巖隙靜有白雲
栖微聽暗溜滴跨空虹梁橫達傍月牖闢古藤紛倒垂異
卉茁如織銳欲窮幽探老恨乏力詭奇非一狀知是真
靈宅仙姝冰雪姿來此餐松液遐舉在何年丹竈無遺跡
似聞笙鶴聲空山風露夕

張金鏞字海門平湖人道光辛丑進士改庶吉士授編
修歷官侍講有躬厚堂詩錄

書顧梁汾寄吳漢槎塞外詞後

夢遠榆關道魂來楓樹林功名才子禍生死故人心絕域
寒威早窮交感慨深曼聲傳飲水腸斷各沈吟

古義懷中字新腔笛裏愁艱難承一諾辛苦報千秋劍外
凋青鬢樽邊歎白頭絕憐吳祭酒宿草早山邱

書吳祭酒集

世事茫茫一局棋
滄桑閱盡鬢添絲
可憐地老天荒後
正是河清海宴時
詞賦江關留庾信
才名宮禁重微之
十三陵樹蒼茫甚
殘月西風寄所思

合肥司馬虞山叟
鼎足聲名莫共論
初願豈殊陶隱士
義心終勝趙王孫
餘生白髮悲歧路
故國青山有淚痕
腸斷龜年譚往事
宮槐秋雨最銷魂

聞方蓉房

文杰

凶問因寄謝一庵

綠鬢佳人老青絲
瘦馬寒正當思謝朓
忽復哭方干羽化
銷金葉天高下玉棺
何時設芳醕同灑淚
沈瀾

武進弔黃縣丞

景仁

時適檢元和朱孝廉

綴

知止堂

詩因並及之

毘陵自昔號才藪博綜經史

洪亮孫星張惠言

諸家詩歌但

餘事專門神妙端推黃君才豈必似李白裁花作骨冰爲

腸當其作詩極冥想縱貫千仞橫八荒騷經香草美人怨

雅歌猗蘭志士傷當時諸公競愛士得君如得孤鳳皇大

興朱筠

學士

暨我鄉鄭

贊善虎文

賞識實先畢

尙書

與王

少司寇

黃

金臺前歌激昂何不挈置青雲傍乃使區區就丞尉奚啻

補履煩干將嚴冬急霰足雙蘭芙蓉一夜彫清霜心肝竟

逼歲年短魂魄自與關河長乾隆以來詩派雜俳優諧笑

違宮商泠泠古音奏瑤瑟鉛山一老頽波障吳門朱君特

晚出亦以真氣爲辭章平生論詩服君最題詞一再言加

詳我識朱君未酬和斂手亦復拜兩當朱君之詩我所重

持較君作參翺翔咄哉詩人不長壽後先一例銷蘭香斷

編縱使豹皮在有幾知者哀錦囊夜深吟苦意激切九龍
掉尾青茫茫

答七弟

蓋臣

問作詩之旨

少年作詩花作骨辭尙葩華韻清越最宜雪蘂豔春風亦
似冰筋擊寒月中年作詩先讀書書味日積成膏腴貞柯
內榮鬱茂實秀穎外豎蕃蕤敷詩人之心亦如面弗論同
異要歸鍊鍊辭鍊意惟鍊真一真所存極千變不然搖筆
萬語來長波一瀉何能迴騰駒縱使騁捷足逸驛畢竟非
良材亦有愁思戛孤唱想入幽微轉生障或恐尖纖類女
郎還虞劓鉢疲心匠笑我學詩三十春書無半豹言不根
康莊未敢越塗轍細路正苦迷梁津虛者難傳實求是我
言詩法非詩旨自有端倪不可尋遙遙山水琴絃指

答葉潤臣侍讀名澧次見貽韻

幽瀑咽危石蛟龍深潤眠君詩與俗異此曲少人傳
夜月闕殘酌晨風動急絃關河滿榛棘歸路隔煙川

讀亭林山人詩

河流天上來月魄海中皎洪鐘蓄奇響大澤胎異寶
神龍具全體於詩露一爪旁皇成至文噴薄吐元造
萬事有根幹孤心幹幽窈一身刀繩餘六合藁莽掃
紛紛削槩家競奪化工巧豈知大雅堂屢屢蠹雲表

汪藻字翰輝號鑑齋又號小珊錢塘籍吳縣人道光辛
丑進士歷官工部郎中候選道有靜怡軒詩

寒夜

鴉翻夜色一林枯自放重簾擁獸鑪酒罷檢書銷
畫燭更

闌覓句數銅壺松聲警枕風逾怒梅影橫窗月不孤料得
金臺鄉思裏也隨清夢到澄湖

失題

我生痛不辰塵網苦相縛壯歲賦歸田未占林泉福夜警
蚩尤旗晝聞山崩谷寇氛日以逼東南盡荼毒避鄉非惜
命污穢不忍觸此身長逝矣無玷喻白玉

夜夢在天靈謂予挈汝去去還太清勿復縈愁緒半百
非云天霜鬢況如許我慕魯仲連蹈死東海處一死足報
國情慶擾何苦爾生各有命我自得我所

楊重雅原名元白字慶伯德興人道光辛丑進士官至
廣西巡撫有管斑集

過紫柏山謁留侯祠

出處猶龍不可思神仙弟子帝王師那知閱歷深沈處都
在長安大索時

圯橋進履氣恬然勝下王孫事亦傳一作神仙一功狗論
人須到蓋棺年

寶珣字東山滿洲旗人道光辛丑進士官至山海關副
都統有味經書屋詩存

靈寶道中

結字高低滿土岡家家相對隔橫塘黃流繞郭長如帶屋
上桑田麥隴香

何栻字廉昉號悔餘江陰人道光辛丑進士歷官建昌
知府有悔餘庵集

詩話廉昉詩乃孫子肅舒鐵雲之流亞曾文正極賞
之謂其權奇侷樸才氣不可及惜俗調未除又喜作

工對韻味反減其時有透到
語讀之意豁則才人本色也

金陵克復後寄頌湘鄉師時將回籍

海宇清平在度中眼光如月手如風千秋感激能知我
一代功名已屬公身繫安危關氣數才兼將相必英雄憶初
羽扇麾軍出已覺休休量不同

十年滿志見情澄次第收功到秣陵伊呂之間斯論定漢
唐以下幾人能暴顯我是登龍鯉銜尾誰非附驥蠅王謝
風流重江左及門五尺亦羞稱

果然天意叶人謀第一功歸第一流仁壽定過文潞國勳
封無愧武鄉侯同時列校分茅土到處生祠起萼樓自是
德星門祚盛三旌六戟未爲優

行將下澤游鄉里何待長沙策治安忠愛無非臣子分公

孤原是聖賢官從知管晏程功小誰識共和協力難四海
蒼生望霖雨豈惟推解活單寒

戊辰五月湘鄉師自江巡海回謁見後讀所贈吳君

南屏詩因次原韻

倮蟲墜地紛如筵春花爛漫秋葉摧遭逢各自有枯苑因
果誰能知去來朝陽冉冉沒細柳劫火茫茫焚大槐驚輪
走坂失鞞控破舟迎浪隨掀飈一身百險厯未盡五角六
張行輒乖祥金在冶忽自躍真玉經火終難灰蜥蜴何時
致雲族鷄鷄無路逃風災歸來蹤跡寄淮海坐看勳業歸
伊萊三千丈髮瘁此老五百道乳降諸孩德水功山兩停
峙水無蛟鱗山無豺綠野優游未容爾黃魔窺伺胡爲哉
如臂使指自聯絡以心置腹何嫌猜截海能令蠡舟斷支

天不憂鼇柱，貫運籌兼采。鹿毛壽恤士，更旌羊角哀。腕力千鈞蕩，羣碎心光四。照蠲織羅借，人牙慧從不惜。憐我鬢容如此皚，牛心屢送仲宣炙。鵲尾頻掉陳思杯，葭苓入籠有素蓄。桃李傍門相次開，陽春姬物不責報。陰德自合封於郤。

周綬雲侍御得督師輔臣史可法章八字牙印屬作
長歌

劫火狂燒天柱燬，玉石同時蕩如洗。方寸牙章堅乃爾，神呵鬼護獨留此。上有孤忠名與氏，堂堂督師輔臣史。身丁百六屹然峙，信國再生天所使。兵間特立中流砥，走札飛符招虎兇。手判龍蛇存者幾，好事千金搜一紙。此印晶熒著紙尾，靈爽式憑疑。可企當時將相紛，蜩蟻雕金鑿銀綰。

青紫獅紐螭盤鬪華侈後人入手揮不視投之水火猶敝
屍人物天淵安足齒梅花假葬衣冠耳不隨玉札埋泥滓
勝國迄今幾甲子輾轉流入南都市篆文黓黓蠟光死踞
虎吞聲怒裂背周君得之色然喜祓濯頻呼五香水照眼
爛如虹電起八字重於秦漢璽肅衣再拜陳之几招我同
觀作詩紀附驥以傳真幸矣

夢園疊韻見貽復和

風波已幸脫橫流坐看驚帆去未休不羨軒車歸蜀道肯
將斗酒博涼州垂垂倦羽天將暮切切寒蛩夜已秋自哂
菟裘營未就搜羅花石伴文游

木有文章水有波奈何五十已虛過官商聒耳元音少晨
夕論心泛語多佳釀但謀千日醉曼聲莫唱百年歌良規

深感真知我迥異尋常唯與阿

戲馬臺

百戰功名爭一勝兩戒河山爭一姓登場戲士互輸贏得
馬失馬誰能定烏騅遊戲彭城下報主一心堅不舍氣數
催人各上臺臣民易主渾如馬項王戲馬忽見顛宋王戲
馬騎登天魚龍曼衍天猶戲安石爭墩癡可憐

越王臺

北望中原開口笑蠻夷大長無人要黃屋左肅升臺行聊
以自娛稱帝號稱尊卻在無人處俊傑要能識時務逐鹿
方思逞霸才斬蛇無奈拘天數帝王崛起信有真成家仲
家彼何人地畫百蠻歸粵尉天留五嶺避秦民東有朝鮮
西有蜀南隅割斷開新局壯士翻輕萬戶侯書生豔說千

金橐

石繩籛字竹侯宿松人道光癸卯舉人官內閣中書有
借綠軒遺橐

太白樓觀蕭尺木畫壁歌

傑閣枕江插天出萬流訇泝吞赤日錦袍學士忽騎白龍
去一千年後冷煞仙人筆滿屋條爾飛風沙蒼松赤石蟠
龍蛇生平夢游十洲三島不得到天風縹緲蓬萊槎陡覺
岱華匡廬蛾眉起方寸萬峯突出天之涯陰晴雲日幻古
壁是誰筆底奇氣凌煙霞得無荆關繪飛瀑不然道子嘉
陵山水圖一幅那知騰擲造化割陰陽竟有于湖畫手蕭
尺木嗚呼蕭君意氣何壯哉得毋抱此模山範水之雄才
狂呼謫仙借酒杯胸中塊壘一憑生面開香鑪瀑布劍閣

樓臺齊煙九點玉女三台一齊飛落毫端來青蓮老去山
無色誰與鑿破扶輿靈氣留遺墨青天咫尺須彌存虎嘯
猿嘯峯嶄嶄當年太白芒鞋踏破萬山處一一繪出天地
仄振衣千仞登江樓四壁蒼蒼懸巖流嵐氣溼裾光入杯
五嶽震蕩心夷猶奇花異石逞光怪奔崖絕壑聲颼颼吁
嗟乎男兒不得掛劍萬里博封侯也須東插泰山日觀腳
西登太華落雁最高頭眉山風雪飽囊橐匡之君兮驂鸞
而來游安能低眉俯首徒將心血窮雕鏤忽爾山靈真面
都從壁上出墨華淋漓元氣適江風浩浩生兩腋會須騎
鯨仙子雲中爭唱酬大叫畫手尺木子一聚仙樓同千秋
王大經號曉蓮平湖人道光癸卯舉人歷官湖北布政
使有哀生閣初續稟

詩話曉蓮佐戎幕致監司少從邑人方子春顧訪溪游私淑三魚作學術辨粹然儒者之言

順河

客館歇征轡夕陽帘外晴數家團小市一水瞰孤城枕上思親淚鏡前感舊情依依不成夢惆悵又雞鳴

姚覲元字彥侍歸安人道光癸卯舉人歷官廣東布政使有大疊山房詩存

詩話彥侍承文儒家學嘗刻咫進齋叢書校錄精審又編刻湖州詩事以佐鄉邦文獻

秋夜

欹枕不成寐但覺秋夜長商飆謬然至簟席生微涼啟戶萬慮寂高樹聲鏘鏘白露下眾草幽幽發暗香流螢喜月黑熠熠弄孤光蟋蟀汝何悲哀鳴在東牆兒童躡蹤至篝火伺其旁報汝慎勿鳴一鳴汝身殃

甲申人日大雪次坡公聚星堂韻仍用禁體

寒梅已花柳將葉自冬徂春未雨雪曉來忽見景模糊
開門大叫真奇絕孤松特立頭已皤老竹天斜腰欲折茫茫
大地浩無垠但見飛鳥起復滅山中高士卧正堅寒粟生
肌襟屢掣黨家羊酒肆歡呼翠袖紅鑪眼光緜少年豪氣
凌雲霄削竹操觚意不屑且驅狐兔獵平原鷹隼出空驚
一瞥人生樂事各有在富貴窮通那用說草堂詩就且傾
觴醉眠不覺衾如鐵

李元度字次青平江人道光癸卯舉人歷官雲南按察使
使有天岳山館詩存

詩話次青文章爾雅尤通國故隨曾文正治軍偏師
敗衄爲文正劾罷既克金陵專疏申雪爲次青序先
正事略猶拳拳及之故次青哭文正詩有二云
偶蒙作元晏猶似訟陳湯卽指此事而言也

登澄海樓觀日出作歌

重關險扼遼左衝海防洶湧山龍從俯視一氣青濛濛天
然形勝標崇嘯我來正值秋陰重樓登澄海攜吟筇其高
絕頂摩蒼穹云可觀日同華嵩深宵久坐雲霧霧星沈月
黑迷長空俄驚一綫飛霞紅金波閃爍光熊熊陽烏躍出
隨飛龍鮫宮貝闕看朦朧寥天一鏡磨青銅三神山路疑
可通茲游奇絕冠寰中氣吞八表雲盪胸便思萬里乘長
風獨倚神劍凌崆峒指揮淨掃中原烽此地況兼山海雄
留都風景如鎬豐神州手奠扶堯封豈徒觀海矜雙瞳好
事翻笑東坡翁作詩禱市煩神工蜃樓許看哀龍鍾綺語
變滅隨飄蓬何若騎鯨太白從霓旌導我雙青童六鰲曉
策扶桑東

贈越南貢使阮雲麓

白雉重勞貢越裳珠崖銅柱效梯航占星不藉南車指就
日曾觀北極光楊柳雪飛新傳舍蓼蕭露湛古詩章何須
更說珊瑚樹綵筆凌雲錦七襄

一疏曾聞薦馬周江干握手艤仙舟雞林敢詡詩增價猿
臂深慚相不侯海外有人詢軾轍山中容我伴巢由送君
心逐南飛雁五字河梁雪爪留

過南皮懷張振之先生

路入南皮感不禁乘槎博望舊知音西州謝傅生前屋東
海成連夢裏琴垂老纔游通德里愛才猶佩古人心祈連
高冢從誰問欲薦甘瓜淚滿襟

王必達字質夫號霞軒臨桂人道光癸卯舉人歷官廣

東惠潮嘉道有養拙齋集

詩話霞軒以書生佐戎幕初宰建昌賊來攻躬搏戰賊引卻胡文忠疏薦守建昌饒州諸郡皆有治行遷安肅道左文襄方西征主饋軍督屯田有勞移巡粵南之官道卒詩從容冲澹雅近中唐

赴饒州

明湖如鏡鵬聲柔雲影天光豁遠眸差喜魚龍安大壑且
陪鷗鷺過前洲蒼茫吳楚思高詠浩渺沅湘憶舊游爲語
南山須記取待輸片石送歸舟

題八大山人畫

勝國有遺民心比巢由苦作畫弗求工超超謝規矩煙雲
花鳥態初苦無意取奇宕不可名天然生媚嫵質鼎恣紛
紜兼金索市賈效顰乃奇醜西施反遭侮十年竭冥搜今
朝始快觀我知作者懷萬物皆塵土縱筆入混茫眼底忘

今古白禿及石濤好手難悉數空門文字禪應推第一祖
懸之雪色壁蕭蕭下風雨

天山碑歌 碑在哈密之松樹塘

萬松鬱蟠天爲黑上有蚪螭護名刻行人交說大唐年仰
視碑文身手側氈椎下拜施拓工往往震撼鳴雷風或登
或降戒勿語明神呵斥居龍從西陲佳搗璠璣同好事攜
過嶠函東貞觀歐虞偉書體結構雖異姿仍雄突厥高昌
拜且舞照耀天山矜武功姓名磊磊將剝落審視方能辨
官爵上公陳國居第一唐之班鄭侯君集文皇幾不食熊
躡青史堪追超與吉此碑峩峩高插雲建者左屯衛將軍
姜氏行本刊其勳萬鈞薛氏亦大將監門中郎尤紛紛野
火不焚石不破千載中原足流播夷言繙作科舍圖

蒙古謂其

地日科舍圖
嶺言有碑也

壯氣封罷狼居胥九成官本誇上上臺池避
暑真區區老棄毛錐守邊塞片幅摩挲終日對誰云鼠鼠
險難攀在我茫茫幅幘內

彭慰高字訥生長州人道光癸卯舉人浙江候補道有
仙心閣詩鈔

來鶴小憩

看山不陟山適興隨所止投筇叩蘭若曲徑平于砥老僧
引我行幽鳥驚人起溼翠滴松下飛泉喧竹裏甌凝薇露
香檐覆藤花紫枯坐學禪定澄心觀物理夕梵一聲鐘歸
路渺煙水

曉行

突兀棕櫚抱一村清溪幾曲野泉吞石梁風定魚窺網山

徑人稀鹿打門不盡秋光催短鬢無多暝意送朝暾
籌車隴畔聞香稻饅餉兒童笑語溫

蒲庵觀荷贈張東亭

永嘉

高柳疏蟬雨後聲
檉籬門掩小舟橫
殘荷半畝鼻功德止
水一奩心太平
絳雪山中參道味
白雲檻外悟浮生
祇愁里閤形頽頽
飢渴何人共此情

天竺寺

出郭曉山橫
沙隄騁游騎
晴曦漾湖綠
高柳入天翠
殘荷兩三柄
猶覆沙鷗睡
隔嶺聞疏鐘
叢篁抱古寺
游心千佛場
拾級三摩地
石屋夢泉聲
香廚新筍味
何當此息機
蕭然屏塵累

登蓬萊閣

峻嶒傑閣倚晴巒人在蓬萊眼界寬滄海無波有龍卧危
欄落日見雕盤天開屏障千峯秀地繞松篁六月寒縱目
難忘生聚計炊煙萬竈起林端

楊靖字綬臣號瓠叟固安人道光癸卯舉人歷官鎮江

知府有五石瓠齋遺藁

詩話瓠叟曾祖晴川太守以乾隆甲子舉於鄉官山
西東厯郡縣凡七政有循聲尊人閩仙太守以嘉慶
甲子舉於鄉成進士官吳下季父共士大令又以同
治甲子舉於鄉官中閩仙太守嘗令靖江瓠叟生
於官廨故以地名既復自薇省改官吳下守姑蘇
惠及於民時人爲之語曰祖孫科名三甲子父子守
令兩江南詩
音節和雅

重游金陵感賦

又攜書劍上征橈夢醒離亭酒未消龍象青山沈野色雷
霆白日走江湖千林斂靄明蕭瑟一雁淩風入次寥傷別

傷秋兩無奈更堪疏雨暮瀟瀟

送人之衡州

十幅蒲帆楚客舟江亭風葉助離愁寄書莫倚南飛雁聲
斷衡陽浦上秋

游天平山

石羣不眠作人立疇曩鞭之趨不及披草蒙茸頭蓋笠俯
仰參差森聳息一石崖底釣徒恭一石峯頭醉僧憩更有
一石如美人舞袖翩躚俯何拾其餘累累形各殊若行若
語若拱揖世人富貴未忘懷豔說嘉名朝萬笏我行其間
喜無射筍輿低柔穩且適苾芻迎笑勸朝餐飽食山廚飲
泉冽平生自恨塊磊多到此何期轉消釋山靈儻許結茅
居請與石友共朝夕

漫勞

漫勞橐筆更遨遊
潦倒金尊不自由
縱有奇文追犬子
何如美酒博涼州
孤懷籬畔輸黃菊
秋信江南寄白鷗
聞道柴桑多種秫
代耕無祿鎮長愁

周星譽字涑人號神素
祥符籍山陰人
道光癸卯舉人
官無爲知州有傳忠堂學古文

池上題襟小集

鬱鬱樹深碧
濛濛草遠青
山氣沁心綠
江光偈酒醒
晴雲滌晶宇
餘花媚幽庭
興感既有合
嘉會良可銘

鄧琛字獻之黃岡人
道光癸卯舉人
官蒲縣知縣改刑部郎中
有荻訓堂詩鈔

游千佛寺懸空洞

邊城愁雨雪丈室愛煙霞春水幾時至寒梅何處花中原
猶帶甲漢使自浮槎歲序傷催促山深景易斜

大雲寺閣晚眺同王印川

錫綸

李筱潭

贊勳

二廣文

青山澹將夕暝色入飛鳥餘霞尙綺麗鐘動月初曠平生
癖看山山晚看愈好商飈灑然來長空秋浩浩浮圖凌百
尺怖鶴巢縹緲鐵佛鑄何年鑪鞴羣靈繞佛法無盡藏何
大亦何小泰山等秋毫聞諸漆園老平陽古都會懷古足
搜討百族尙雍熙唐風斯未邈奈何陽九厄寇盜紛纏擾
廓清幸當時祇氛頓漸掃霍嶽北岩嶸汾水西灝淼我來
憐僧舍便覺出塵表前身或行腳到處留鴻爪飄然下虛
閣清坐對風篠

聞雁

句注山前黯夕暉天涯初見數行飛三關落葉秋將晚九月清霜客未歸塞接隴川煇燉滿江吞吳楚稻梁稀杜陵大有關懷事一聽哀聲淚滿衣

去年中秋晉陽試院用韓韻作詩復次原韻

十年竊祿升斗微此心已逐南雲飛胡爲蹇鈍似駑馬秋來空饜苜蓿肥去年秋院幾同舍愁見霜皋木葉稀戰詩徒誇出秀句煮字那得療朝飢何如此月就我飲不待招邀來庭扉陰晴萬里共今夕瓊樓高處煙霏霏飛狐古塞未解甲射雕落日空獵圍螢火熠燿時物變坐見清露霑裳衣蒼龍角尾仰不見王良天駟誰爲鞿惟應幽人無檢束看花步月中歸

次韻右臣潞河見懷

回首高城生積陰大通橋畔獨幽尋
黃花醉後人何處白雁聲中霜滿林
敲枕夢回津月曉扣舷秋入薊門深
尊前自奏欵欵曲並世誰知牙曠心

黃秩林字子幹號仙樵宜黃人道光癸卯舉人官湖北知縣有燕臺吟草主靜軒詩鈔

詩話仙樵爲樹齋侍郎子詩具有家學近體詠時事尤以錘鍊見工力

送張蔭三明府廷槐官安徽

儒官六載興超然忽送飛鳧望若仙
揚子波濤千里接皖公樓觀九秋懸
近鄉淳俗無煩慮學道深情肯漫遷
若荷君家外臺問重來仍有孝廉船

次韻和子綺夜發

四顧昏如寐三更浩共征雲垂鴉背色
風捲馬蹏聲濡軌

疑飛渡聞鐘覺近城誰知琨遜輩壯志喜論兵

董貽清字叔純陽湖人道光癸卯舉人官青神知縣歷

保知府有偶存集

詩話叔純作令有聲牧資州值滇匪李泳和擁眾數萬近邛州屬之井研縣叔純率兵防剿卒解城圍餘事爲詩可

峴家學

資州題壁

當年叱咤走風雲廢壘江頭尙夕曛儻向灞陵逢醉尉夜
行休說故將軍

眉州道中望峨眉山

平生雅識看山趣十丈紅塵苦縛住峨眉山下宦經年未
到峨眉最高處揭來仍走眉州道山容如舊人容老山神
憐我夢魂勞特開一角浮雲曉初如旭日懸層光金輪五

色陽烏翔繼疑蜃氣現樓閣玉女面面開晴窗我欲從之
朝帝闕天門軼蕩羣仙揖左駕青蚪右鳳皇半途橫被罟
風折紗縠溪流紗縠紋蘇家故宅今猶存獨惜坡公富笠
屐黃州雨雪登州雲判杭知穎瓊儋謫海外猶留鴻爪跡
咫尺家山竟未登千古峨眉笑岑寂乃知山水平生緣一
游一覽非偶然公如魂魄猶戀此與公芒鞋竹杖躋其巔
張應蘭原名蘭階字佩之金匱人道光癸卯舉人殉難

贈知府有南湖詩存

詩話南湖面白皙修邊幅然遇意所不可輒抵几叫罵人不能堪嘗以事與河南守某不合貽書絕交傳誦京洛故爲詩多情倚側豔而卒以罵賊死聞者壯之

靖江城樓

阜鵬風捲戍樓煙官鼓催人又一年如此頭顱明鏡裏向

誰肝膽寶刀前江山靈氣歸屠狗鄉國愁心付杜鵑有約
釣天同日聽海東回首正茫然

鄒湘侗字資山新化人道光癸卯舉人官湘潭教諭有

雅雪園詩鈔

楊芝林瓊刺史息園

宦海已倦游言歸謝華廡投簪返故園經營成別墅依岡
構邱壑高低闢花圃涉趣有餘歡亭軒便容與林野娛清
曠看雲倚杖拄慮澹輕外縈山居勝綰組往時牧巴中廉
能用勤補茲脫世網羈恬適情無阻我欽芝林翁肥遯完
出處游賞戾息園佳景憑挹抒培植緬舊德慈孫能述祖
小芝進退獲居安結廬爰得所

虞坂行

涼秋八月風捲沙驂騮伏櫪隨鹽車不立天閑行地上遷
延虞坂深咨嗟崎嶇坂路艱前進執轡乖逢徒輦躑忍屈
氣骨還清奇休期支遁稱神駿長嘶卻立平原道逐隊鶩
駘斃枯草皮毛相土千古同英雄塞上風塵老冀野紛騰
望若雲孫陽未遇難空羣顧盼據鞍猶示用數奇誰識李
將軍

黃益增字少橋號拙公平江人道光癸卯舉人官安仁
訓導有拙公詩鈔

哀鴻敷

官家飯肉邱隴積玉漬珠膏汗瓴甃長廊江海深百尺後
門永閉前門闢日曝雨淋走闖闖拋磚擊石血流臂無人
識得歌哭意鵝眼綫環不忍棄有時晴翻背裂櫃頭擲形

色不及嗟來食於戲天昏地塞雲蒙蒙刀矛戈戟殷血紅
鷺鳥飢鷹出樊籠此輩嗷嗷尙哀鴻君不見江南江北氣
鬱鬱爨竈生蛙狐狸搯朱門大厦無人乞又不見桃武前
年虜火焚取金攫帛如家人錢船萬斛沈江津

陳景高字筠珊號雲山海鹽人道光癸卯舉人有綠蕉

山館詩鈔

舟中人日

雁後花前別思牽離鄉怕讀道衡篇春來景好先人日客
裏愁深況少年千里遠回孤棹夢片帆搖破大江煙草堂
此後傳詩去應使家人一惘然

渡河

誰作中流柱空懷濟世才水從天上落人自日邊來萬古

噴寒雪終朝起蟄雷風波如此險我去又重回

九日偕曹柳橋茂才

籀

吳山登高卽贈

不盡登臨興吳山秋氣深江湖留客夢風雨改詩心落葉
浩無際閒雲許共尋蒹葭休遠溯把袂快同岑

楊文照字劍潭號芋庵貴筑人道光癸卯舉人廣西候

補通判有芋香館集

詩話劍潭少尙氣節偶儻不羈工詩與同縣傅青字廉訪壽彤友善同舉於鄉青字入詞林而劍潭僅以大挑授麻哈教諭不得志游京師青宇出守招入幕相依依久之蘇餘嗜中丞鳳文招赴桂林改官奉母以往不久遽卒遺文零落僅存詩數十篇天涯鴻爪不可復尋竟成讖語是可哀已

趙河感舊詩

飛絮萍花感不禁東風影裏認浮沈異鄉歲月愁中鬢末
路功名醉後心城郭千年仙鶴杳陰符一卷草堂深天涯

隨意留鴻爪多少泥痕沒處尋

梅花

梅花香靜雪晴時廿四番風次第知佳日從容宜小飲故人持贈有相思碧雲仙館三更夢紅樹春山一卷詩果是還家無限好幾年留滯在天涯

感舊

琵琶未解鬱輪袍三月春深一徑蒿記得年時新過雨落花零亂紫櫻桃

王誠字存之號松齋武康人道光癸卯舉人有松齋詩

鈔

魏太和銅熨斗歌沈西雍大守所藏

當塗高高熨不平金銅仙人辭漢京化爲翁仲魏宮守巧

學新莽抱威斗屈戌銅鋪鎖阿甄射死母鹿留子身狼顧
忽來受顧命汝叡安能更執柄君不見洛妃步後靈芸嘯
鍼神夜來方卷衣外間已唱青頭雞

諸葛劍字榴生蘭谿人道光癸卯副貢官仙居訓導

詩話咸豐季年寇陷浙東西諸郡縣土民團練禦寇
晨著者三生謂湖州趙竹生諸暨包立生蘭谿諸葛
榴生也忠節苦守最久與城俱亡包村力戰不
支亦終淪於寇王戌萬谿陷榴生以計獨得脫

病起感興

人道詩豪與酒豪問心我敢託風騷三年客路空懷劍一
笑屠門欲放刀願得拈花參正果悔曾食菜到邪蒿時有劫余
持齋以養病者故云卽今一病猶能起禪悅非關醉學逃

夏日石臺澗紀游

亭上孤松秀相傳落葉奇何來人嘯傲可對叟支離垂老

心猶勁鳴高俗不宜空山正濤起欲賦水漣漪

晚晴移詩匯卷一百四十四終